


Zimmarar oíyo ar bekiyailla garí salattú óde hádesa ókkol rukíba



Kaárenor dhivais bondo gorí rako ar garí solaibar age iínore loot nofade hendhilla gori rako.
Garí solaibaccot honotté hóta hoibolla oñnor fún oñnor heéthot yá mathar eskafot no raikko.

Oinno dheraivar ókkol ólla bála nomuna boniba. Zehon oñne pesenjar hísafe taíba, dheraivarolla kool yá mesij gorí diba hoiyo taake iíbar furafuri díyan héfazotor sañte garí salar ikka take. Zimma loi garí salar baabote baicca ókkol loi hóta hoiba.

Har wokto síth belth findiba ar baicca ókkolore héfazoti síthot rakíba taake nizore gair-maháfuz dheraivarottú maháfuz raífaró.

Har haáçoiya adde saike salouyattú iítarar aspasor ikka kíyal raka foríbo ar kaárenor dhivais estemal no goríbo. Asól: Lowágiye 9/6/18 <https://www.nhtsa.gov/press-releases/us-dot-and-nhtsa-kick-5th-annual-u-drive-u-text-u-pay-campaign>

Zodi Oñne Saíkkar Fisottú Oíyoure Mesij Goró, Oñne Bekiyailla Garí Salattuwaró 20 Gun Beci Hádesat Foríbar Emkan Ase.

- Bekiyailla garí salouyar sóbobe 3450 zon manuíc 2016 conot mara giyé.
- Bekiyaillar hádesat 562 zon haçoiya, saikel óla adde dusarazon 2016 conot mara giyé
- Har foranzade hádesar 74 parsent dheraivaror túlanat foranzade hádesat 70% bekiyailla dheraivar morot fuain.
- 15-29 bosor boici dheraivar ókkolor maze garí salaibaccot áate doijja mobail fúnor estemal sobse becí.
- Mobail fún óla maya dheraivar ókkol bekiyailla garí salar foranzade hádesat foore zin 2012 sal oíte morot dheraivar loi túlana gorazá.
- 15-19 bosor boici zara har dheraivar ókkolor 9% foranzade hádesat fore zarar oure bekiyailla garí salar cékayot ase.

(Asól: Lowágiye 9/6/18 <https://www.nhtsa.gov/press-releases/us-dot-and-nhtsa-kick-5th-annual-u-drive-u-text-u-pay-campaign>)

Kanuni Cazar Bútore Faín Adde Zoribana Díye Oíte cúrugori Sírias Imígreconor Caza Táitfare.

Áate doijja mobail fún yá portébol kaárenor dhivais estemal gora kanunor khéla. Gair-kanuni hamot ase portébol kaárenor dhivais rakon adde áate doijja mobail fúnnot hotá hoon, Email, text mesij, yá webpeíz dhoilla elethronik détha defeçon, foroon, lootfon, browz goron, fathon, sév goron, yá wapes loon, fothú ókkol tulon, soon, yá defeçon yá geím kélon.

Zin kanuni no baase, yáni, kanuni oílde: 911 ót kool diyá yá honó emarjensi baabote medhikel, ooin mutallek yá polís loi rabeta gora. Dheraivare áatot no raki mobail fún estemal goron, zinot estemal gorouyattú honó áator estemal no lage. Garír oure lagaíya áator dórede mobail fún estemal gorá Garí loi lagaíya GPS dhivais estemal gora.

Garí solibaccot portébol kaárenor dhivais estemal goílle ekkar trafik tiket faíba zeçe faín adde zoribana leká taíbo. Mobail fún estemalor kosurí, portébol kaárenor dhivais estemal yá mesijor niyom bañileyo oñnor DMV dheraiving rekadhot poín gona zaíbo. Zodi oñnottú 18 macor bútore 11 poín oíle, oñnor dheraivar laisen moukuf oítfare. Aró zaníbolla, [About the NYS Driver Point System \(NYS Dheraivar Poín Sisthem Baabote\)](http://dmv.ny.gov/tickets/about-nys-driver-point-system), eçe soo <http://dmv.ny.gov/tickets/about-nys-driver-point-system>.